

高興柳氏族譜序

惟我高興之柳自三侍中最顯以簪組勲德忠孝各節鳴於  
勝國及本朝至今垂六百餘年譜系無一缺文獻之幸存  
而未泯者萃於其中矣但世代日遠流日繁一世之積為  
數十百世一人之分為百千萬人支裔散在四方漫漶磨滅  
之患生焉遺澤僅及五世私勝息掩之弊起焉不有以一之  
其何以知所本乎此所以先輩之兢兢勤勤每一世而修譜  
紹明而張大之靡不用其極故尤齋老先生以吾祖之外裔  
實於舊譜其後三宋先生踵其武序之皆以積善種德勉  
戒甲勤曩在庚辰修譜我先師省齋先生弁其卷首以謂吾  
宗自數十年來湖南漢北徃徃有托跡儒門從事性理之學



者則祖宗在天之靈或者黠誘其衷駸駸以開田秦之基歟  
嗚呼先生此言足以為吾宗永世傳守之青氈矣夫何待校  
小子之贅說耶仍竊念當此彞倫斃絕之時凡為吾祖後承  
而傳是譜者皆當如何以振發耶蓋聞高大門閭非隆也瑣  
尾窮道非替也祖宗心法能相傳否乎祖宗德行能相守否  
乎家聲之墜與不墜蓋卜於此而知之惟願我同譜者不徒  
以譜視譜而各傳其譜外之意勿負我省翁眷眷期待之心  
則其於繼先裕後之道殆庶幾矣夫是役也開局在錦城竹  
浦紅花洞墓閣樂淵章圭理夏晟河錫實尸其事功告訖命  
春錫來慰於輝錫以弁卷之文輝錫辭不獲免謹識其所感  
如此而若夫姓系來歷世德叙述前後諸公之序跋略備此不



復云爾

歲在閏逢攝提格暮春日侍中公二十一世孫通訓大夫夫弘  
文館校理翰林學士輝錫敬序



癸巳舊譜序

柳於東國系仍地分而高興之柳最髙且顯高興古縣北距四十里有江曰楊江江之中有島曰侍中島其上盖有待中塚云高麗忠烈王時有英密公諱清臣又起於高興歷事三朝官至三重大匡都僉議政丞高興府院君隨駕朝元卒于燕都其豐功偉績俱載高麗史英密公有男女十人播居十道紱冕袞袞子孫承承天之報施可謂厚矣柳之族舊有譜燼灰於兵燹之中英密公十三代孫楚山居枝新慨然有意更加裒集將八梓以爲家傳因察訪公鐵堅來求一言於余余謂族氏系派因譜而不泯司馬公程叔子惓惓於宗法者盖欲人人不忘其本也嗚乎一人之身分而至於塗人若無



斯譜所祖同不同何從而識得子以側枝不自菲薄謀與重  
役歷叙世德子之孝悌于家可推而知也今之世以文辭鳴  
者不爲不多而要余作爲序者豈以余忝在門闈也耶余旣  
重察訪公之請又嘉枝新有志而成世於是乎書癸巳正月  
上泮晉山姜時儆序

癸丑重刊譜序

高興縣始名高伊後爲高陽今又爲興陽蓋四經沿革而惟  
縣之望柳氏一直傳來各人輩出久益不衰豈高興地厚水  
深稟其靈秀者自然如是耶抑柳氏積善種德受天之報理  
有不爽者歟蓋自高祖以至玄孫玄孫之後則是爲不知人  
矣由不知人推而溯之則知其五六世者蓋鮮矣故以宋朝



文明而程夫子尚嘆其無百年之家况以我東之備荒而柳氏累十代祖孫相望系如貫珠此已非他姓之所及而又其所謂侍中墓在縣北海島中者不知其幾百年歲修展掃香火不絕其德不厚而能如是流光也哉世人因名其島爲侍中而待中所居遺趾在縣治楊柳洞有大礮其形盤礴又有活泉在其下而泉傍有石平濶可方丈子孫猶能識而傳之曰是當時洗蹠石其不忘於前物者如是則其於德業俗風之傳可知而其子孫之賢又其可以徵也夫然其賢之可徵又有大者焉侍中曾孫高興伯諱濬有女爲郎將宋克已配年二十二而寡父母欲奪其志則負孤孩徒步五六百里逃歸懷德舅姑家以全其節其子姓殆方萬餘人而今我主



上殿下王妃殿下皆其外裔人謂盛年苦節之報雖其天資  
有絕異者豈高興世德之攸欽耶我 孝宗大王追賜旌典  
今其墓在懷德寬洞里其表石題曰高興縣夫人柳氏墓余  
其九世孫也今侍中公十三代孫副司果再新故使余序其  
譜云 崇禎己酉十月日高興伯外裔大匡輔國崇祿大夫  
議政府右議政恩津宋時烈序

戊寅重修譜序

高興柳氏舊有系譜先祖文正公寔叙引之歷世滋久子姓  
蕃暢不可以舊本該其派故後嗣惟是之懼踵舊而增脩之  
不肖亦以外裔相其役支分葉敷無遠不暢盛矣夫嗚乎見  
其末尋其業而不知其根可乎在昔魯展禽採於柳下而仍



以受氏推而準之我東高伊鄉亦有大柳樹而居於其下因  
號爲氏也歟蓋其植本固而發源深故縣經四革而譜錄猶  
存世閱三朝而簪組相仍名賢輩出節義炳朗至若英密公  
有諱清臣忠孝凜烈華夷聳嘆國家嘉其孝表祔宅里牧老  
贊其忠以賁窀穸百世公論昭揭日星而迄今數千載夾葉  
炳靈輝映編簡殆與河東華胄相甲乙雖有奮筆刊正者莫  
敢剗去君子謂其系條貫濟濟他姓所不及詎非信歟英密  
公十八世孫文珪因我族人宋君必完在其門闈相與命能  
相續以一言能相竊不肖懼無以堪柳君固以請終不敢辭  
云 崇禎紀元後三戊寅六月日英密公外裔執義恩津宋  
能相敬述



甲子重修譜序

高興之楊柳洞有高麗侍中柳公遺址宛然舊躅尙可指點  
柳氏之贊高興者由侍中公推而溯之至五世而爲鼻祖自  
其胤英密公以下奕葉蟬聯殆可與河東華胄相埒其有系  
譜蓋舊矣我先祖左翁撰其弁卷之文又其後九十載戊寅  
增脩是牒而我從叔雲坪亦爲之叙引今距戊寅纔四紀而  
數世之間益復蕃衍亦不可以舊本該其派矣英密公十四  
世孫譚十六世孫瓘合謀修補役將竣遣族人日榮琴成鎮  
問序於余憶舊譜兩序文旣盛稱其名人輩出非他姓所及  
而於侍中英密兩公遺蹟記之甚詳矣人之覽是譜者何須  
遍閱而見其世德之盛又孰敢以其近代之不振而少之也



嗚乎柳氏之根深而源遠實維種德之厚也凡譜於斯者苟  
能有孝悌之心油然而生如蘇氏之說忠義之立大有所益  
若張子之訓則儘有以承先裕後而保族宜家矣然則是譜  
之成豈徒爲考識系派而已其庶幾有觀乎古人明譜之義  
也歟累世徽蹟之大小文字附載末篇者始終甚備而余之  
所述襄靖公碑銘及義士事實記亦在其中矣遂復書之如  
此搜續舊序之意盖有所感者深云 崇禎後三甲子仲夏  
高興伯外裔恩津宋煥箕謹序

已酉重脩譜序

余嘗讀羅麗史及東輿諸書每嘆高興之柳多各公碩輔而  
恨未及窺其全譜而歷攷之近者柳氏諸族來示其十編舊



譜盥手敬閱則自其始祖以下至今爲三十餘代無一有缺  
累若貫珠或以德業柱石乎邦家或以文章黼黻乎治理磊  
落相望赫焉無替而吾家兩先正先生皆其外裔積愈厚而  
流愈遠者豈不可驗而信然乎是譜之脩已過四紀而子姓  
益蕃衍難以按舊而該今矣英密公十七世孫正言榮五承  
旨榮河與族人志癡榮起榮茂志浩顯基昇煥永德之玄等  
合謀補纂以活字更爲刊出於木川之九溪總十五局役將  
竣正言諸公以來熙爲文正公之後昆而高興伯之外裔命  
以弁卷之文來熙謝不堪承膺而竊念尤庵先生旣撰舊序  
又宋侯炳普莅本縣時立石於侍中公墓詳見譜中宋侯卽  
我先祖文正公之孫也蓋以追先誠盡心於外邊玄遠之上



世若是勤篤足使後人觀感益當策礪則今何敢終辭於文字之役乎遂拱手而謹復之曰諸公之辨此重刊者寔出於敦親懿補闕漏之至意甚盛舉也然譜者非止於叙其本支明其昭穆而已貴乎尊祖而收族尊之收之之道必在乎義率而仁攝之縱有分於萬身而各盡愛敬合爲一心而後始克會萬歸一無愧於同譜此宜交勉而世守者也是役也一倣舊譜而若其增修之規凡例詳之文獻之徵篇未備焉更不須贅論云爾 崇禎後四己酉仲夏高興伯外裔恩津宋來熙謹序

庚辰重修譜序

上之十六年己卯高興柳氏修族譜諸父兄相與戒曰吾族



雖久微不足有無於世然自前世猶得以忠孝禮義持門戶  
修譜大政也慎勿行亂倫違法事以爲祖宗累於是各司各  
執其役明昭穆叙宗支嚴統緒之分合謹嗣續之出入大經  
大法悉遵舊章而間亦補其闕漏遇有變處措之古經參以  
國典又廣質于當世知禮之家蓋有闕疑而寡過不敢無知  
而妄作粵明年秋工告訖總十八巨編謂重教獲忝視役  
之末令出一言以弁之重教三辭不獲免仍竊惟念尤庵宋  
文正夫子以吾祖之外裔實序我舊譜其後三宋先生踵其  
武懇懇以積善種德不忘前物之說幸教我後人凡同此譜  
者誠能有以深繹其旨則古所謂尊祖敬宗敦親收族以至  
厚風俗尊朝廷之道皆將於此乎得之而亦可以知今日僉



宗所眷眷於此事者其意果不徒然也庸何待於小子之贅  
說耶顧嘗伏閱譜之始終而有所慨然者焉夫人之有祖猶  
木之有根也其子孫之相傳猶根之有幹之有枝也有能  
立身揚名以顯其門族者是猶木之有華與實也吾柳自麗  
季三侍中始托根於東邦至今垂六百年譜系無一缺子姓  
之繁至於萬數則亦可謂蒼然大木也然攷其華實之所在  
則在 明宣盛際於于堂一門諸公文章節行卓有可述一  
時諸宗又多有同德著於譜者前後相輝映自是而降寢以  
搖落逮至近世則寂寥乎其未有聞焉豈其受氣於天不甚  
厚文明之外著者一發而不能復繼耶抑氣有屈伸運有翕  
張其蓄之久者乃所以爲大發之兆耶蓋聞天之賦性於人



者無古今饒乏之殊而其開發充養以成其德業則必由學  
問之工以欽之故上自帝王家下逮士大夫之族其有意於  
啓運者未有不務乎此而坐待氣數之自至者此則木之有  
浸灌培壅之功也竊觀吾宗自數十年來湖南漢北往往有  
托跡儒門從事聖理之學者我不敢知祖宗在天之靈或者  
默誘其衷駸亡以開回秦之基歟謹識其所憾如此以俟之  
云是役也開局在春川南山花樹堂故叅議諫五世孫重熹  
重洛六世孫箕錫故叅判榮河孫進士重植寶尸之湖南宗  
士景善榮澮濟瑚豐煥續錫榮滄永蔣鼎相終始有勤勞焉  
庚辰八月日英密公十九世孫重教敬序



一世 二世 三世 四世 五世 六世 七世

始祖柳英 子崇濟 子光 子明旦 子昱 子升茂 子清臣

戶長

戶長

戶長

上將軍或曰諱旦明

贈銀青光祿大夫門下侍郎平章事判戶部事上將軍○一說

贈銀青光祿大夫門下侍郎平章事密直副使知樞密院

同板

按三國史及麗史新羅之末諸邑士人能號令撫治其邑者太祖統合後乃賜職號俾治其事治民者稱戶長又質其子弟於京師遣王官監之至成宗時令王官監邑者黎眷戶長遂降為鄉吏而猶有印矣○又按興陽李氏譜曰羅末衣冠之裔競用豪武霸於州縣幾祖統合之初有不率服者則患無以鎮之勒為所在戶長以抑之而凡貢舉除職同於士族以是今之鼎族類皆戶長之後云

宗伯為門下侍郎墓在縣南五里疏谷震山乙坐云蓋昱與宗伯兄弟行而失傳耶或以宗伯改名昱耶未知孰詳